

# Starfsáætlun leikskólans

## Norðurbergs

2017-2018



## Formáli

Samkvæmt lögum um leikskóla nr. 90/2008 vinna leikskólar eftir aðalnámskrá leikskóla. Samkvæmt henni vinnur hver og einn leikskóli upp sína skólanámskrá þar sem fram kemur á hvern hátt leikskólinn uppfyllir þau viðmið sem þar eru sett fram.

Leikskólar gera starfsáætlun þar sem fjallað er um árlega starfsemi leikskólans, birt skóladagatal og ýmsar aðrar hagnýtar upplýsingar um skólahald hvers leikskóla. Áætlunin þarf að fá umsögn foreldraráðs áður en fræðsluráð tekur hana til afgreiðslu samkvæmt lögum um leikskóla.

Tilgangur starfsáætlunar er að gera skólaþróun leikskólans markvissa með markmiðum og umbótamiðuðu innra mati. Hún á að sýna starfsfólki, foreldrum og rekstraraðilum hvernig starf leikskólans gekk á síðasta leikskólaári og hvernig unnið verði að umbótum og nýjum verkefnum á því næsta.

Í starfsáætlun leikskólans skulu koma fram:

- Matsaðferðir leikskólans og umbótamiðuð áætlun sem unnin er út frá niðurstöðum innra og ytra mats.
- Áherslur í leikskólastarfinu sem ætlunin er að vinna að, markmið, leiðir að markmiðunum og áætlun um hvernig þau verða metin.
- Áherslur í starfsáætlun fræðsluviðs sem leikskólinn vinnur að.
- Starfþróunaráætlun leikskólans og upplýsingar um starfsmannamál.
- Fjöldi barna, kynjahlutfall, dvalarstundir, fjöldi barna sem njóta sérkennslu og fjöldi barna af erlendum uppruna.
- Upplýsingar um foreldraráð, foreldrafundi og foreldraviðtöl.
- Umsögn foreldraráðs.
- Skóladagatal fyrir árið.

Starfsáætlun leikskólans tekur gildi 1. september ár hvert og skal skilað rafrænt til sviðsstjóra fræðsluviðs fyrir 1. júlí ár hvert. Starfsáætlanir eru lagðar fyrir fræðsluráð til samþykktar.



## Efnisyfirlit

Formáli.....	2
1. Inngangur .....	4
2. Mat á leikskólastarfi og umbótaáætlun .....	8
2.1 Innra mat leikskólans.....	8
2.2 Húsnæði og lóð.....	8
2.3 Ytra mat /umbótaáætlun .....	8
3. Áherslur í starfi leikskólans.....	9
3.1 Áherslur leikskólans næsta starfsár.....	9
4. Starfsmannamál .....	10
4.1. Starfsmannahópurinn 1. maí.....	10
4.2 Starfsþróunarsamtöl.....	10
4.3 Símenntun frá síðasta ári.....	10
4.4 Áætlun um símenntun í leikskólanum.....	11
5. Aðrar upplýsingar .....	12
5.1 Barnahópurinn 1. maí.....	12
5.2 Foreldrasamvinna.....	12
5.3 Samstarf leik- og grunnskóla .....	13
5.4 Almennar upplýsingar .....	13
5.5 Áætlanir .....	14
Fylgirit.....	14

- Verkefnaáætlun leikskólans 2017-2018
- Leikskóladagatal 2017-2018
- Umsögn foreldraráðs v/starfsáætlunar

## 1. Inngangur

**Starfsárið 2016-2017** gekk mjög vel og erum við í stjórnendateymi leikskólans sammála um það að starfsmannahald hafi verið með besta móti á liðnu ári. Í starfsmannasamtölum, sem voru tekin í maí og júní 2017, kom fram að öllum líður vel og eru sáttir með liðið skólaár. Einnig kom fram almenn ánægja í starfi og að góður starfsandi ríki á vinnustaðnum og samvinna, virðing og gleði sé ríkjandi. Starfsmenn eru stoltir af því að vinna á Norðurbergi og þykir vænt um vinnustaðinn sinn, samstarfsfélaga og börn. Einnig kom fram að vinnustaðurinn sem slíkur væri aðlaðandi og umhverfið fallett. Þetta sama kom einnig fram í starfsmannakönnun sem Hafnarfjarðarbær lagði fyrir starfsmenn sína í nóvember 2016 og í starfsmannakönnun Skólapúlsins sem lögð var fyrir starfsmenn í febrúar 2017. Við sáum ekki ástæðu til að setja umbótaáætlun í gang eftir þessar kannanir.

Breytingar urðu í starfsmannahópnum í lok skólaársins, meiri en venjulega, enda hefur yfir höfuð verið lítil starfsmannavelta hér á Norðurbergi. Einn grunnskólakennari hætti störfum sökum aldurs, eftir 16 ára starf í leikskólanum. Tveir þroskaþjálfar sögðu upp, annar flutti erlendis og hin fékk betri stöðu við sérdeild í grunnskóla í Reykjavík. Tveir leiðbeinendur hættu hjá okkur og fóru í önnur störf eða nám. Nýráðningar verða því 6 haustið 2017 og engin eftir áramótin, þar sem ekki vantar nema í tvö pláss á yngstu deildunum. Búið er að ráða einn aðstoðarleikskólakennara (B.ed. gráða í leikskólakennarafræðum), einn þroskaþjálfara og tvo ófaglærða starfsmenn í afleysingastöður. Við erum enn að auglýsa eftir tveimur stöðugildum í leikskólann fyrir haustið.

Hér er almennt stöðugur starfsmannahópur, hópur sem hefur unnið lengi saman í leikskólanum. Meirihluti starfsmanna eru menntaðir leikskólakennarar, þroskaþjálfar, nokkrir með aðra uppeldismenntun/háskólamenntun og svo erum við með tryggja starfsmenn með ólíka menntun sem hafa unnið hér lengi og eru komnir með mikla reynslu í starfi.

Einn starfsmaður lauk í vor, B.ed. gráðu í leikskólakennarafræðum frá HÍ samhliða 80% vinnu í leikskólanum og ætlar strax í haust í meistaranám. Hún verður á námssamningi við bæjarfélagið.

Eftir **endurmat starfsmanna** á innra starfi leikskólans, á skipulagsdegi 29. maí 2017, voru teknar ákvarðanir um minniháttar breytingar á innra starfinu eftir liðið skólaár. Starfsmenn eru að öllu jöfnu ánægðir með sameiginleg verkefni leikskólans og starfið eins og það er og er stefnt að því að halda stefnunni og gera það vel. Minniháttar áherslubreytingar verða fyrir næsta skólaár sem farið verður vel yfir á deildarstjórafundum og starfsmannafundi í ágúst 2017. Helsta áherslan í vetur verður að festa í sessi aðferðafræði „Snemmtækrar íhlutunar í málörvun leikskólabarna“.

### **Eftirfarandi kom fram hjá deildum, tekið úr endurmati og samtölum við starfsmenn:**

- Skólaárið hófst almennt vel, aðlögun milli deilda og aðlögun nýrra barna gekk ágætlega. Eftir aðlögun milli deilda, haustið 2016, þá ræddum við í faghópnum um að framvegis færu allir foreldrar í samtali við deildarstjóra (eða staðgengil hans) fyrir aðlögun eins og foreldrar nýrra barna. Við upplifðum óöryggi meðal foreldra þegar þeir voru að mæta með börnin sín á nýja deild og höfðu ekki hitt neinn starfsmann hennar áður. Þetta var tilraun, ekki samkvæmt

móttökuáætlun, sem var bara ekki að virka. Við erum búnar að skerpa á þessum þætti í móttökuáætlun 2017.

- Varðandi aðlögun nýrra barna haustið 2016, þá fengum við ekki að fylla yngstu deildirnar af börnum. Því þurfti að aðlaga börn eftir 1. febrúar 2017. Þetta skapaði óróleika hjá þeim börnum sem fyrir voru á deildunum og raskaði að hluta deildarstarfinu. Það er ekki góð reynsla að vera með aðlögun á nýjum börnum eftir áramótin og væri óskandi að það þurfi ekki að gera eftir næsta haust.
- Foreldarsamtöl gengu almennt vel. Foreldrar eru ánægðir með leikskólann og starfsáætlun hans og líður vel með börnin sín í leikskólanum.
- Margir starfsmenn óska eftir fleiri deildarfundum, þar sem farið er yfir stöðu barnanna, enda er hún að breytast frá einum mánuði til annars og erfitt getur verið fyrir alla starfsmenn deildanna að fylgjast alveg með.
- Fram kom í samtölum við starfsmenn að laga þyrfti hljóðvistina á Tröllagili og á Álfasteini.
- Rætt um að gott væri ef Júlíana Vilhjálmsdóttir, sérkennslustjóri, myndi aðstoða deildir að setja sig í gang að hausti og þá með tilliti til að allt færi rétt af stað t.d. myndrænt skipulag fyrir þau börn sem þess þurfa, aukalestur fyrir tvítyngdu börnin o.s.frv. Júlíana mun fara í þetta frá mánaðarmótum ágúst/september og byrja á miðdeildunum.

#### **Breytingar í skóladagatali fyrir næsta skólaár:**

- **Jólastund foreldrafélagsins** færir frá laugardegi og yfir á seinnipart föstudags þar sem mætingin hefur farið síversnandi á milli ára.
- **Sumarhátíð leikskólans** hefur alltaf verið á laugardögum en þar sem foreldrum hefur fækkað mjög á hátíðinni var tekin sú ákvörðun að hafa hana á föstudegi næst, frá miðjum degi. Þetta er gert til að freista þess að fleiri foreldrar mæti og skoði sýningu á listaverkum og verkefnum barnanna sem mikil vinna hefur verið lögð í af hálfu starfsmanna. Þetta verður svo endurmetið að ári.
- **Fleiri breytingar verða ekki á skóladagatalinu**, en áberandi var að flestar deildar ætla sér að skerpa á innihaldi viðburðanna í dagatalinu. Þær stefna á að halda sig betur við efnið og undirbúa alla viðburði betur. Innleiðing og áhersla á „Snemmtæka íhlutun í málörvun leikskólabarna“ hefur greinilega verið að taka toll af fólki og að fókusinn hefur verið mestur þar. En þetta verður lagað fyrir næsta skólaár. Gott ef deildarstjórar setja ábyrgð á ákveðna starfsmenn til að framfylgja skóladagatali.

#### **Í starfsáætlun fyrir 2016-2017 lögðum við sérstaka áherslu á eftirfarandi:**

- Gefa formlega út nýja **Skólanámskrá í september 2016.**
- Gefa út nýja **Starfsáætlun 1. júlí 2016.**
- Nýtt **Skóladagatal**, **búið að gefa það út og samþykkja af starfsmönnum, foreldraráði leikskólans og Fræðsluráði.**
- **Lagað lítilsháttar til í skóladagatali, sjá Umbætur eftir foreldrakönnun 2016**
- **Eftirfylgni** á próunarverkefninu **Snemmtæk íhlutun í málörvun leikskólabarna.** Próunarteymi, þverfaglegt, vinnur áfram við við innlögn, þjálfun og eftirfylgni við verkefnið. Stefnir er að því að gefa út handbók í haust og verður sótt um stuðning hjá

fræðsluyfirvöldum til þess. Leikskólaskólastjórar og fræðsluyfirvöld fá kynningu á verkefninu í haust. Haldið verður áfram að þróa „**Tölum saman**“ fyrir tvo elstu árgangana. Þetta er málörvunarverkefni sem eflir alhliða málþroska barna og einnig að vinna með **Lubbi finnur málbein**.

- **Þróunarverkefnið Læsi og stærðfræði** heldur áfram á næsta skólaári. Sama þróunarteymi, undir stjórn sérkennslustjóra, heldur utan um verkefnið.
- **Innleiðing (framhald) á spjaldtölvum í starfi með börnunum.** Spjaldtölvunefnd, sem í sitja 4 starfsmenn undir stjórn aðstoðarleikskólaskólastjóra, heldur áfram störfum og þróar áfram vinnuna sem farið var með af stað á haustið 2015.
- **Skipuleggja alla nefndarfundir fyrir skólaárið um haustið 2016.**

Okkur tókst ekki að gefa endanlega út **Skólanámskránnu** þar sem handbók um Snemmtæka íhlutun í málþroska leikskólabarna, var ekki tilbúin til útgáfu.

Útgáfa á starfsáætlun, skóladagali og umbótaáætlun gekk eftir á réttum tíma fyrir sumarleyfi.

**Eftirfylgni á þróunarverkefninu „Snemmtæk íhlutun í málörvun leikskólabarna“** fór af stað um haustið. Teymið hittist reglulega yfir veturinn, en eftirfylgni hefði mátt vera betri og skýrari. Það verður lagt til við starfsmannahópinn að deildarstjórar sitji í teyminu á komandi skólaári þar sem þeir taka aðalábyrgð á að starfsmenn framfylgi þeim stefnum sem skólinn vinnur eftir.

Handbókin „Snemmtæk íhlutun í málörvun leikskólabarna“ kom út með glæsilegu útgáfuteiti þann 31. maí 2017. Dagskráin var flott, kynning á verkefninu frá þremur sjónarhornum og góðir gestir í húsi til að fagna með okkur. Helst söknuðum við að ekki mættu nema nokkrir fulltrúar frá leikskólum Hafnarfjarðar. Samhliða lokavinnslu á handbókinni var haldið áfram að þróa „**Tölum saman**“ með börnunum í Lundi (deild elstu barna). Á næsta skólaári verða yngri börnin í Lundi í verkefninu, en eldri börnin fá að spreyta sig á ákveðnum verkefnum úr *Tölum saman* í hópastarfi yfir veturinn. Innleiðing á „**Lubbi finnur málbein**“ gekk mjög vel og var mikill áhugi á meðal barna og starfsmanna á því námsefni. Við vinnum ákveðin verkefni sem eru aldurstengd og að auki eru kennarar elstu barnanna búnir að útbúa sérverkefni sem unnin eru í leikskólanum eða heima með foreldrum. Innleiðing á **læsi og stærðfræði** gekk vel og hafa mörg skemmtilegt verkefni sprottið fram á hverri deild fyrir sig. Þessi vinna heldur áfram á næsta skólaári.

Við verðum áfram með Spjaldtölvunefnd í leikskólanum sem hefur yfirumsjón með nýju efni, kynna nýtt efni fyrir starfsfólki og setja inn á spjaldtölvurnar.

Eftir áramótin fóru fjórir starfsmenn Lundar (elstu börnin) ásamt leikskólaskólastjóra á **Vináttunámskeið hjá Barnaheill**. Þetta er verkefni gegn einelti í leikskóla, sem við ætlum að innleiða í leikskólann á komandi misserum. Við byrjuðum á tveimur elstu árgöngunum í Lundi í vor og gekk innleiðingin mjög vel. Á komandi skólaári munu tvær aðrar deildir hefja þessa vinnu. Við ætlum okkur að byrja á Tröllagili fyrir áramót og á Álafasteini eftir áramót. Starfsmenn fara á námskeið og hefja svo innleiðingu í kjölfarið.

Það má segja að liðið skólaár hafi svo sannarlega verið annasamt enda mörg stór verkefni í gangi. Það sem stóð hæst er útgáfa á handbók um **“Snemmtæka íhlutun í málþroska leikskólabarna”** og erum við afskaplega stolt og ánægð að það hafi að lokum tekist. Við viljum þakka fræðslustjóra, Fanneyju Dórótheu Halldórsdóttur, fyrir hennar hlutdeild í að koma handbókinni í útgáfu. Án hennar stuðnings hefði þetta ekki verið gerlegt. Við viljum þakka Ásthildi Snorradóttur, talmeinafræðingi, fyrir flotta leiðsögn og trú á það sem við vorum að gera. En ekki síst vil ég undirrituð þakka Huldu P.

Haraldsdóttur verkefnisstjóra/deildarstjóra, sem á stærstan hluta í að koma handbókinni í skiljanlega texta. Að lokum þakka ég mínum frábæru samstarfsfélögum, fyrir metnaðarfulla, faglega vinnu við þróunarverkefnið og ósérhlífni þeirra á þessum tímabili, enda var þetta ekki eina verkefnið sem tekist var á við. Mörg önnur voru keyrð samhliða þessu stóra þróunarverkefni. En hér á Norðurbergi er öflugt starfsfólk sem ætlar sér að láta verkefnið ganga upp með það að leiðarljósi að bæta líðan og þroska barnanna og styrkja faglega stöðu leikskólans. Það tókst svo sannarlega á liðnu ári.

Fyrir hönd starfsmanna leikskólans,  
Anna Borg Harðardóttir, leikskólastjóri

## 2. Mat á leikskólastarfi og umbótaáætlun

### 2.1 Innra mat leikskólans

- **Hvaða þættir leikskólastarfsins voru metnir?**

Starfsmenn deilda notuðu skipulagsdag í maí 2017 til þess að fara yfir alla starfsemi leikskólans. Farið var vel yfir dagskipulagið, það metið og niðurstöður lagðar fram. Sama var gert við skóladagatal leikskólans, farið var vel í hvern viðburð og sett í umræðu og sameiginleg ákvörðun tekin um breytingar fyrir næsta skólaár. Mat var gert á þróunarverkefni liðins vetrar bæði í Snemmtækri íhlutun ungra barna og stærðfræði á sama tíma og reyndar jafnóðum á liðnu skólaári.

- **Hvenær/ hve oft verður metið (skipulag matsins)?**

Stórt mat þar sem liðið skólaár er metið er einu sinni á ári, í maí. Einnig er starfið metið jafnóðum yfir veturinn; á deildarstjórafundum (einu sinni í viku), á starfsmannafundum/skipulagsdögum og deildarfundum (ca 12 sinnum yfir árið) og í þeim ráðum og nefndum sem eru starfandi í leikskólanum hverju sinni og að auki í daglegum samskiptum starfsmanna. Nefndir leikskólans eru: Skemmtinefnd; Þróunarteymi um læsi og stærðfræði; Eftirfylgniteymi vegna Snemmtæktrar íhlutunar í málörvun leikskólabarna; Spjaldtölvunefnd; Umhverfisráð; Ferðanefnd; umsjón með sjúkraskápum og fiskabúri.

- **Hvaða matsaðferðir / matsgögn er áætlað að nýta?**

Við notum heimagerðar matsaðferðir og styðjumst við skólanámsskrá, starfsáætlun, stefnur, áætlanir, dagskipulag og skóladagatal leikskólans.

- **Hverjir munu taka þátt í matinu?**

Allir starfsmenn taka þátt í mati á leikskólastarfinu. Við gerum það yfirleitt fyrst á deildum og svo færast umræðan yfir í starfsmannahópinn þar sem hver deild kynnir sínar niðurstöður og samþykkir allur starfsmannahópurinn síðan sameiginlegt endurmat, umbætur og nýbreytni.

### 2.2 Húsnæði og lóð

- Starfsmenn á Umhverfis- og framkvæmdarsviði ásamt leikskólastjóra fara einu sinni til tvisvar á ári yfir lóðina og skrá niður þær umbætur sem nauðsynlega þarf að gera. Í milli-tíðinni eru allir starfsmenn ábyrgir fyrir því að leiksvæði barnanna sé öruggt yfir daginn. Þörf á viðgerð er þá tilkynnt til leikskólastjóra.
- Starfsmenn leikskólans eru virkir utandyra við að gera ýmsar skemmtilegar breytingar í lóðinni sem henta börnunum og gerir leikinn enn meira áhugaverðan. Að auki eru þeir iðnir við að hirða lóðina sjálfir, hreinsa illgresi, planta trjám og hanna einföld leiktæki fyrir börnin. Þetta á sérstaklega við leiksvæði elstu barnanna, í Lundi.

### 2.3 Ytra mat

Hafnarfjarðarbær lagði fyrir starfsmannakönnun í nóvember 2016 og Fræðslu- og frístundaþjónustan stóð fyrir starfsmannakönnun á vegum Skólapulúsins í febrúar 2017. Stutt var á milli þessara kannana, en við komum vel út úr þeim báðum og sáum ekki ástæðu að setja umbótaáætlun í gang að þessu sinni.



Starfsmenn eru almennt ánægðir í vinnunni, líður vel, eiga góða vinnufélaga og sáttir með stefnu og strauma leikskólans. Þeir eru stoltir af vinnustaðnum og finnst þeir vera partur af honum. Í könnun frá liðnu skólaári kom fram einelti meðal starfsmanna, en ekkert slíkt kom fram að þessu sinni og erum við í leikskólanum afskaplega sátt með það.

### 3. Áherslur í starfi leikskólans

#### 3.1 Áherslur leikskólans fyrir næsta skólaár 2017-2018 eru eftirfarandi:

- Gefa formlega út nýja **Skólanámskrá á skólaárinu 2017-2018**.
- Gefa út nýja **Starfsáætlun 1. júlí**.
- Gefa út nýtt **Skóladagatal vor 2018**.
- **Eftirfylgni, með áherslu á að festa í sessi**, aðferðafræði **Snemmtækrar íhlutunar í málörvun leikskólabarna**. Styðjast fyrst og fremst við nýútgefna handbók. Nýtt þróunarteymi sem í sitja deildarstjórar, sérkennslustjóri og leikskólastjóri vinnur áfram við við innlögn, þjálfun og eftirfylgni við verkefnið.
- **Innleiðing á Vináttuverkefni Barnaheilla, forvarnarverkefni þar sem unnið er markvisst gegn einelti í leikskóla**. Börnin í Lundi (tveir elstu árgangarnir) eru þegar farin af stað en nú er ætlunin að innleiða verkefnið fyrir 3-4 ára börnin. Innleiðing hefst á þessu skólaári með námskeiði starfsmanna.
- **Þróunarverkefnið Læsi og stærðfræði** heldur áfram á næsta skólaári. Sama þróunarteymi, undir stjórn sérkennslustjóra, heldur utan um verkefnið.
- **Grænánaverkefni frá janúar til apríl 2018. Þar verður unnið með ákveðið þema sem grunn að því að fá nýjan fána sumarið 2018, á Sumarhátíð leikskólans**. Umhverfisráð leikskólans, sem í sitja fulltrúar allra deilda, heldur utan um verkefnið og ber ábyrgð á framgangi þess og lokaskýrslu fyrir úttekt.
- **Undirbúningur að náms- og kynnisferð hefst í janúar 2018**. Ferðanefnd leikskólans sér um að halda utan um þá vinnu.
- **Innleiðing (framhald) á spjaldtölvum í starfi með börnunum**. Spjaldtölvunefnd, sem í sitja 4 starfsmenn undir stjórn aðstoðarleikskólastjóra, heldur áfram störfum og þróar áfram vinnuna sem farið var með af stað á haustið 2015.
- **Skipuleggja alla nefndarfundir fyrir skólaárið um haustið 2017**.

## 4. Starfsmannamál

### 4.1. Starfsmannahópurinn 1. maí 2017

Starfsheiti	Fjöldi	Starfshlutfall	Menntun
Leikskólastjóri	1	1,0	Leikskólakennaramenntun
Aðstoðarleikskólastjóri	1	0,40	Leikskólakennaramenntun
Sérkennslustjóri	1	0,60	Leikskólakennaramenntun og MA í sérkennslufræðum
Deildarstjórar/leikskólak.	6	6,0	Leikskólakennaramenntun (ein er auk þess með M.ed. í fjölmenningarfræðum)
Leikskólakennarar	8	5,16	Leikskólakennaramenntun
Grunnskólakennari	1	0,80	Grunnskólakennaramenntun
Þroskaþjálfar	4	3,85	Þroskaþjálfamenntun
Aðstoðarleikskólakennari	1	0,8	120 ein í leikskólakennarafræðum
Leiðbeinandi A	2	2,0	Háskólamenntun
Leiðbeinendur	7	7,75	Ýmis menntun: grunnskólaláttur, stúdentspróf, fjarnám á Menntavísindasviði HÍ
Matreiðslumaður	1	1,0	Matreiðslupróf/MATVÍS
Aðstoð í eldhúsi	1	1,0	Grunnskólaláttur, önnur menntun og reynsla

### 4.2 Starfsþróunarsamtöl

Leikskólastjóri skipulagði starfsmannasamtöl frá maí – júlí 2017. Viðtölin voru boðuð skriflega með nokkurra daga fyrirvara og fóru þau fram á skrifstofu aðstoðarleikskólastjóra. Samtölin eru ætluð til starfsþróunar, starfsmenn geta sett fram óskir um símenntun/fræðslu, í þeim er rætt um starfið í leikskólanum, hvernig starfsmanni gangi í starfi, um líðan starfsmanns og væntingar, um samstarf hans við samstarfsfélag og samskipti við börn og foreldra þeirra. Eftir viðtölin tekur leikskólastjóri saman niðurstöður, vinnur úr þeim og leggur fyrst fyrir deildarstjóra og síðan starfsmenn leikskólans á skipulagsdegi í september 2017.

### 4.3 Símenntun frá síðasta ári

Við lögðum áherslu á að starfsmenn nýttu sér þau tilboð sem **Fræðslu- og frístundaþjónusta Hafnarfjarðar** bauð uppá fyrir skólaárið **2016-2017**. Þátttaka starfsmanna var mjög góð yfir skólaárið. Starfsmenn voru almennt ánægðir með það sem stóð til boða á liðnu skólaári. Mikil

ánægja var með fræðslu sem leikskólinn bauð öllum upp á.

**Við vorum með fræðslu um:**

Góð samskipti á vinnustað í nóvember / Guðrún Snorradóttir, stjórnendapjálfi og Edda Björgvins kom í lok dags með erindi um áhrif gleði á vinnustaðnum!

Viðverustjórnun í janúar / Berglind G. Bergþórsdóttir og Lilja Kolbrún Steinþórsdóttir.

Skyndihjálparnámskeið / Herdís Storegaard í febrúar.

**4.4 Áætlun um símenntun í leikskólanum fyrir 2017- 2018:**

- Starfsmenn eru hvattir til að sækja námskeið á vegum **Skólaskrifstofu Hafnarfjarðar** 2017-2018.
- Starfsmenn eru hvattir til að fylgjast sjálfir með námskeiðum á vegum EHÍ og óska eftir því við leikskólastjóra að sækja námskeið.
- Starfsmenn á Álfasteini og á Tröllagili fara á námskeið Barnaheilla.
- Áætluð er jafningjafræðsla fyrir alla starfsmenn vegna þróunarverkefnisins „ **Læsi og stærðfræði**“.
- Kennarar í leikskólanum fara á **TRAS**.
- Hljóm-2
- Áframhaldandi námskeið í **kennslu á spjaldtölvum** fyrir mismundandi hópa innan leikskólans.
- Jafningjafræðsla innan leikskólans.
- Sérkennslustjóri hefur sótt um að fara á AEPS-námskeið.

## 5. Aðrar upplýsingar

### 5.1 Barnahópurinn 1. maí 2017

- Börnin voru 105 í leikskólanum
- Stúlkurnar voru 53 og drengirnir 52
- Dvalarstundir voru 879 klst
- Deildargildi 5,99
- Fjöldi barna sem nutu sérkennslu samkv. greiningaviðmiðum sérkennslu í 1. og 2. flokki voru 3
- Fjöldi barna sem nutu sérkennslu með önnur þroskafrávik voru 34 talsins (málþroskafrávik, hegðunarfrávik, annað). Það voru aðallega börn með frávik í málþroska.
- Fjöldi barna með ofnæmi voru samtals 2
- Fjöldi barna með fæðuóþol voru 3
- Fjöldi barna með annað móðurmál en íslensku voru 17 talsins
- Fjöldi tungumála, fyrir utan íslensku, voru 10
- Þjóðerni forsjáraðila frá: Póllandi, USA, Perú, Sri Lanka, Úkraínu, Rússlandi, Danmörku og Englandi, Tælandi og Sierra Leone.

### 5.2 Foreldrasamvinna

- **Foreldraráð:**  
Foreldraráð samanstendur af þremur foreldrum sem sitja jafnframt í stjórn Foreldrafélagsins þar sem 7 fulltrúar foreldra sitja ásamt leikskólastjóra. Foreldraráð er kosið sérstaklega á aðalfundi félagsins sem er á haustin samkv. lögum félagsins. Foreldraráð fundar eftir þörfum, þ.e. þegar gögn berast frá leikskólanum til yfirlstrar og umræðu.

#### **Foreldrafélag:**

Foreldrafélag er starfsrækt í leikskólanum og er kosið í stjórn þess, sjö fulltrúar, á aðalfundi félagsins haust hvert samkv. lögum félagsins. Kosið er til tveggja ára setu. Stjórn Foreldrafélagsins hittist nokkrum sinnum á ári.

Foreldrafélagið sér um nokkra viðburði á ári fyrir utan skólatíma. Hefð er fyrir brúðuleikshússýningu í nóvember/desember. Félagið stendur fyrir jólastund í leikskólanum í byrjun aðventu. Húsið er þá opið í tvo tíma og boðið uppá saft, kaffi og piparkökur. Í boði fyrir alla er að skreyta mandarínur með negulnögglum og skrautborða. Einnig stendur félagið straum af kostnaði á jólasveini á jólaball leikskólans. Að vori stendur félagið yfirleitt fyrir fræðslu til foreldra og greiðir fyrir rútu vegna sumarferðar leikskólans að vori eða í byrjun sumars.

- **Foreldrafundir/foreldrasamskipti:**  
Foreldrafundir á vegum leikskólans eru einu sinni á ári á haustin þar sem farið er yfir starfsáætlun leikskólans og starfsemi deildanna á komandi skólaári. Við leggjum mikla áherslu á góð samskipti við foreldra dagsdaglega. Til að kynnast foreldrum enn frekar en á fundum, þá bjóðum við þeim upp á reglubundna samveru yfir árið (sjá skóladagatalið). Þeim

er boðið í „Vinagöngu“ í nóvember, í „Jólaakó og piparkökur“ í desember, í nónhressingu á „Degi leikskólanna“ í febrúar og á Sumarhátíð í júní. Það er alltaf heitt á könnunni, í morgunsárið, í Lundi, svo foreldrar geti staldrað við og spjallað.

- **Foreldrasamtöl:**

Foreldrasamtöl eru einu sinni á ári eftir áramótin (sjá skóladagatal) og eru foreldrar boðaðir skriflega með ákveðinni dagsetningu og tíma. Fagfólk leikskólans ber ábyrgð á samtölunum og taka þau ásamt reynslumeiri starfsmönnum. Foreldrar eða deildarstjórar geta óskað eftir fleiri samtölum ef þurfa þykir á skólaárinu.

### 5.3 Samstarf leik- og grunnskóla

**Samvinna milli Víðistaðaskóla í Engidal og Norðurbergs er í föstum skorðum og hefur verið það til margra ára. Það má segja að samvinnan hafi styrkst og aukist til muna eftir að við unnum saman að umsókn um Grænfánann veturinn 2002-2003.**

- Áætlun vetrarins er unnin á haustin þegar leikskólakennarar elstu barna leikskólans og kennarar fyrstu bekkjar grunnskólans hittast og gera grófa áætlun um samstarfið á komandi vetri.
- **Áætlun fyrir 2017-2018 verður líklega eftirfarandi (birt með fyrirvara):**
- **Október:** skólaheimasókn í Víðistaðaskóla í Engidal og fyrsti bekkur kemur í heimsókn á gömlu deildina sína í Lundi.
- **Nóvember:** Dagur íslenskrar tungu, 4. bekkur í Víðistaðaskóla í Engidal kemur í leikskólann og les upp ljóð og sögur fyrir börn leikskólans. Samsöngur í lok samveru.
- **Desember:** elstu börnum leikskólans er boðið í helgileik Víðistaðaskóla í Engidal.
- **Janúar:** heimsókn elstu barnanna í bókasafnið í Víðistaðaskóla í Engidal.
- **Febrúar:** heimsókn elstu barnanna í Víðistaðaskóla í Engidal þar sem aðstoðarskólástjóri tekur á móti hópnum og sýnir þeim skólann.
- **Mars:** leikjadagur í Víðistaðaskóla í Engidal. Einnig er farið í bekkjarheimsókn og tekið þátt í kennslustundum fram að hádegismat. Börnin dreifast á bekkjardeildir.
- **Júní:** 1. bekkur úr Víðistaðaskóla í Engidal kemur í heimsókn.
  
- **Endurmat: Öll samskipti við Víðistaðaskóla í Engidal er almennt til fyrirmyndar en þó mættu kennarar þar sýna meiri ábyrgð á þessari sameiginlegu starfsáætlun. Þeir gleymdu t.d. að mæta á samráðsfund síðasta haust og eiga það til að gleyma sameiginlegum viðburðum starfsáætlunar.**

### 5.4 Almennar upplýsingar

- Sameiginlegir skipulagsdagar á næsta skólaári með grunnskólum Hafnarfjarðar eru eftirfarandi:

**27/9 2017 – 20/11 2017 – 2/1 2018 - 23/2 2018 – 28/5 2018**

## 5.5 Áætlanir

Eftirfarandi áætlanir eru á heimasíðu leikskólans :

[Starfsáætlun 2017-2018](#)

[Verkefnaáætlun leikskólans 2017-2018](#)

[Starfsáætlun 2016-2017](#)

[Starfsáætlun 2015-2016](#)

[Verkefnaáætlun leikskólans 2015-2016](#)

[Starfsáætlun 2014-2015](#)

[Símenntunaráætlun 2015](#)

[Starfsaðferðir leikskólans í útikennslu](#)

### **Aðrar áætlanir:**

[Móttökuáætlun 2017](#)

[Informacje dla rodziców 2012](#)

[Information for parents 2012](#)

[Starfsaðferðir leikskólans við kynferðisofbeldi á börnum](#)

[Starfsaðferðir leikskólans við ofbeldi á börnum](#)

[Áætlun gegn einelti 2012](#)

[Áfallaáætlun 2010](#)

[Rýmingaráætlun 2010](#)

[Slysa- og brunaverkferlar 2010](#)

[Röskun á skólastarfi vegna óveðurs](#)

[Viðbragðsáætlun vegna öskufalls 2010](#)

[Viðbragðsáætlun almannavarna 2009](#)

**Fylgirit:**

- Verkefnaáætlun leikskólans 2017-2018
- Leikskóladagatal 2017-2018
- Umsögn foreldraráðs v/starfsáætlunar

Hafnarfirði 22. ágúst 2017

Anna Borg Harðardóttir

---

Leikskólastjóri